



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1606. usque ad annum 1610

Fleury, Claude

August. Vind. [u.a.], 1776

VD18 90118820

§. 121. Decreta Synodi Diöcesanæ Metensis.

[urn:nbn:de:hbz:466:1-67222](https://nbn-resolving.org/urn:nbn:de:hbz:466:1-67222)

Sæc. XVII. A. C. 1610. specimina ederet; his vero aliisque obsequiis applausum tulit, præmium tamen sperare haud valuit, eo quod domum Petri Aldobrandini, qui Clementis VIII. Nepos erat, obsequiose non frequentasset; utpote non Aulæ obsequio, sed impositi sui muneris debito intentus: Ne ergo hic Pontifex Virum suo Nepoti vix cognitum purpura decorare videretur, ipsemet conscientiae stimulo adactus Aldobrandino Author exstitit, ut Pamphilum aliquoties accerseret, quo factò illum Clemens Papa eodem anno, quo Bufalum, Cardinalem Presbyterum, Paulus autem Quintus Urbis Vicarium creabat. Obiit autem Hieronymus Romæ die undecima Augusti, in æde Virginis Vallicellanae sepultus, cui etiam Ecclesiae, quicquid pretiosum in suo Sacello habuerat, testamenti tabulis reliquerat.

§. CXXI.

Decreta Synodi Diœcesanae Metensis.

*Concil.
Germ. t. 8.*

Hoc item anno Annas Descars Cardinalis de Giury nuncupatus Metensis Episcopus, ut Catholicæ fidei veritates pristino restitueret splendore, die vigesima prima Aprilis Metis Synodum Diœcesanam celebrabat, triginta

ginta tribus articulis absolutam: Con- Sæc. XVII.
 dita fuere quamplurima, eaque salu- A. C. 1610.
 berrima decreta, ex quibus tamen non-
 nisi singularia adducemus, & quidem
 primo Synodus abolevit *tonitrualia*, ut
 vocabant, festa profana, eoquod paga-
 nismum redolerent. Inhibuit etiam,
 ne ad ægros invisendos vel solandos hæ-
 retici admittantur, cum compertum
 fuisset, quod hi, Parochis absentibus,
 errorum venena hoc obtentu ægris pro-
 pinarint. Interdixit quoque Laicis
 prædicandi officium, & conventicula,
 in quibus de Religione ageretur. Circa
 administrationem Baptismi prohibuit,
 ne Parochi unctiones faciant intincto
 pollice, sed bacillis stanneis aut argen-
 teis in hunc usum comparatis, nec et-
 iam nuda manu aquam ex pelvi, sed
 cochleari hauriant, minus vero Paga-
 norum nomina Baptizatis imponant:
 Dein præcipitur Parochis, qui ratione
 sui Officii diebus festis aut Dominicis
 bis celebrant, ne in prima Missa ablu-
 tionem accipiant, nec imposterum pu-
 rificatoriis ex ferico utantur, & commu-
 nicanti vinum purificationis non ex ca-
 lice sed ex scypho deinceps præbeant.
 Prohibuit insuper Synodus, ne in Ec-
 clesiis tympana, cytharæ aut alia ejus
 generis instrumenta audiantur, nec mu-
 lieres ad Altaris latera ita consistant,
 M m 5 ut

Sæc. XVII. ut a Celebrante ad Aram converso videri possent: graviter quoque invehitur Synodus in detestandum abusum in hanc diæcesin introductum, quo plurimum puerorum confessiones simul excipiebantur, Parochos autem admonet, ne sint difficiles in concedenda suis subditis facultate, ut alteri Sacerdoti approbato etiam in Paschate confiteantur. Inter casus Episcopo reservatos comprehendit hunc, si quæ prolem suam exponit in Hospitalibus vel alio loco: denique præscribit, quantam retributionem Parochi pro Ecclesiasticis Officiis jure petere valeant.

§. CXXII.

Synodus Diocesana Antverpiensis.

*Concil.
Germ. l. c.
pag. 977.*

*lib. de dono
Persev.
cap. ult.*

Sequenti Mense Majo Joannes Miræus Antverpiensis Episcopus pariter Synodum habebat, in qua præter plura alia ad restaurandam Cleri sui disciplinam non minus proficua quam necessaria statuta Parochis commendatur frequens in doctrina Christiana institutio. Præcipit etiam Synodus, ut Laici minus docti cum hæreticis de fide non disputent, his vero importune instantibus respondeant, id sui non esse officii, sed ad Pastores & Doctores pertinere, ipsorum vero esse, monente D. Augustino, pro